

Namołwa němskich biskopow k swětowej misionskej njedźeli 2022

Lube sotry a lubi bratřa,

lětuša swětowa misionaska njedźela woswjeći so 23. oktobra. Akcija skutkow Missio steji pod hesłom „Chcu wam přichod a nadźiju dać“ (Jer 29,11). Profet Jeremia přiwoła tute slubjenje něhdy swojim do Babylona zawlečenym krajanam. Jeho poselstwo rěkaše: Bóh je mjez wami, tež w cuzym měsće.

W srjedźišću akcije skutka Missio steji kenianiska metropola Nairobi. Wšědnje nawali so syła ludźi z wokoliny do tutoho města. Woni čekaja před namocu a suchotu kaž tež před tym, zo njewidža za sebje hižo žanu perspektiwu. Woni nadźijeja so džěta a lěpšeho přichoda. Za najwjace z nich pak skónči so pytanje we wulkich slumach.

Často wobhladuja so tute sydlišća chudych bjezwuwzaćnje jako městna bědy a bjezwuhladnosće. Tola tutón wid je jednostronski. Missio zbliža nam ludźi, kotřiž so wužadanjam w nowym wobswěće stajeja. Z mnohimi idejemi a zmužiće zmištruja swoje žiwjenje w hoberskim měsće a sej wzajemnje pomhaja. Pod ćežkimi wuměnjenjemi nastawaja nowe formy, z kotrymiž móža tam jako sotry a bratřa po wěrje žiwi być.

Lube sotry a lubi bratřa, na njedźeli swětoweho misionstwa prosymy Was wo znamjo křesćanskeje solidarosće z ludźimi w Keniji a po wšěm swěće.

Wobdžělce so přichodnu njedźelu z wulkomyslным darom na kolekće. A wostańće z našimi sotrami a bratrami modlo so zwjazani.

Vierzehnheiligen, 10. měrca 2022

Za Drježdžansko-Mišnjanske biskopstwo

+ Heinrich Timmerevers

Drježdžansko-Mišnjanski biskop

Tuta namołwa ma so njedźelu, 16. oktobra 2022, na wšitkich Božich službach (tež na předwječoru) předčitać a wosadam nimo toho tež po druhich přihódnych pučach spřistupnić.